



28 Mei 2012  
28 May 2012  
P.U. (A) 160

# WARTA KERAJAAN PERSEKUTUAN

## *FEDERAL GOVERNMENT GAZETTE*

### PERATURAN-PERATURAN HAK CIPTA (PEMBERITAHUAN SUKARELA) 2012

### *COPYRIGHT (VOLUNTARY NOTIFICATION) REGULATIONS 2012*



DISIARKAN OLEH/  
PUBLISHED BY  
JABATAN PEGUAM NEGARA/  
ATTORNEY GENERAL'S CHAMBERS

AKTA HAK CIPTA 1987

PERATURAN-PERATURAN HAK CIPTA (PEMBERITAHUAN SUKARELA) 2012

---

SUSUNAN PERATURAN

---

BAHAGIAN I

PERMULAAN

Peraturan

1. Nama dan permulaan kuat kuasa
2. Tafsiran
3. Fi yang ditetapkan
4. Borang

BAHAGIAN II

PEMBERITAHUAN HAK CIPTA

5. Pemberitahuan
6. Pindaan kepada pemberitahuan hak cipta
7. Pengemukaan kepada Pengawal

BAHAGIAN III

DAFTAR HAK CIPTA

8. Catatan dalam Daftar
9. Pembetulan kesilapan perkeranian
10. Pembetulan, pemadaman atau pindaan
11. Pemeriksaan Daftar
12. Petikan
13. Pertukaran alamat

BAHAGIAN IV  
PELBAGAI

14. Penyerahhakan, lesen atau pemberian berwasiat
15. Penggantian karya
16. Salinan fizikal karya, dokumen, dsb.
17. Ketepatan maklumat
18. Fi yang tidak boleh dibayar balik

JADUAL PERTAMA

JADUAL KEDUA

AKTA HAK CIPTA 1987

PERATURAN-PERATURAN HAK CIPTA (PEMBERITAHUAN SUKARELA) 2012

PADA menjalankan kuasa yang diberikan oleh seksyen 26A, 26B, 26C dan 59 Akta Hak Cipta 1987 [*Akta 332*], Menteri membuat peraturan-peraturan yang berikut:

BAHAGIAN I

PERMULAAN

**Nama dan permulaan kuat kuasa**

1. (1) Peraturan-peraturan ini bolehlah dinamakan **Peraturan-Peraturan Hak Cipta (Pemberitahuan Sukarela) 2012**.

(2) Peraturan-Peraturan ini mula berkuat kuasa pada 1 Jun 2012.

**Tafsiran**

2. (1) Dalam Peraturan-Peraturan ini, melainkan jika konteksnya menghendaki makna yang lain—

"Akta" ertinya Akta Hak Cipta 1987;

"Daftar" ertinya Daftar Hak Cipta yang disebut dalam seksyen 26B Akta;

"elektronik" ertinya teknologi yang menggunakan elektrik, optik, magnetik, elektromagnetik, biometrik, photonik atau teknologi yang seumpama;

"karya" ertinya karya yang layak mendapat hak cipta yang disebut dalam subseksyen 7(1) Akta dan karya terbitan yang dilindungi sepertimana karya asal yang disebut dalam subseksyen 8(1) Akta;

"Pejabat Hak Cipta" ertinya pejabat Perbadanan;

"Pemohon" ertinya pencipta karya, pemunya hak cipta karya, pemegang serah hak cipta atau pemegang lesen untuk suatu kepentingan dalam hak cipta yang membuat pemberitahuan dalam apa-apa karya kepada Pengawal, atau seseorang yang membuat pemberitahuan sedemikian bagi pihak pencipta karya, pemunya hak cipta karya, pemegang serah hak cipta atau pemegang lesen untuk suatu kepentingan dalam hak cipta;

"pencipta" hendaklah mempunyai erti yang sama sebagaimana yang ditakrifkan di bawah Akta;

"Pengawal" hendaklah mempunyai erti yang sama sebagaimana yang ditakrifkan di bawah Akta;

"Perbadanan" hendaklah mempunyai erti yang sama sebagaimana yang ditakrifkan di bawah Akta.

### **Fi yang ditetapkan**

3. Fi yang kena dibayar di bawah Peraturan-Peraturan ini hendaklah sebagaimana yang ditetapkan dalam Jadual Pertama.

### **Borang**

4. (1) Borang yang disenaraikan dalam Jadual Kedua hendaklah digunakan bagi maksud yang disebut dalam Peraturan-Peraturan ini.

(2) Kandungan borang yang disenaraikan dalam Jadual Kedua adalah sebagaimana yang ditentukan oleh Menteri.

## **BAHAGIAN II**

### **PEMBERITAHUAN HAK CIPTA**

#### **Pemberitahuan**

5. (1) Suatu pemberitahuan hak cipta hendaklah dibuat oleh seorang warganegara atau pemastautin tetap Malaysia.